



Bab : Quran / Hadeesh / Dusre Uloom

Fasl : Tableeg

Sawal No : 368

Upload Date : 17-08-2025

Topic : Kisi Ki Kamazori Ya La-Ilmi Majme Ke Samne Bayan Karna

Sawal : Kisi Bhi Shakhs, Jamaat, Ilaqe Walon Ki Kamzori Ya La-Ilmi Ko Majme Ke Samne Bayan Karne Ka Kya Hukm Hai? Aam Taur Par Karguzari Mein Hamare Sathi Kehte Hain, Unhe Kalma Bhi Nahi Aata, Namaz Bhi Nahin Aati, Farz Aur Sunnatein Bhi Maloom Nahi Hai Etc. To Aesa Kehna Kesa Hai?

Jawab : Wazeh Rahe Ke Karguzari Sunane Wala Jis Ki Kamzori Ya La-Ilmi Suna Raha Hai, Uske Dil Mein Jis Ki Karguzari Sunai Ja Rahi Hai, Un Ki Haqarat (Tahqeer/Neecha Dikhana) Nahi Hai, Aur Woh Sacchi Baat Suna Raha Hai, Saath Hi Woh Apne Aap Ko Us Se Achha Samajh Kar Nahi Suna Raha Hai, Balke Majme Ko Deen Ki Taraf Ragbat (Shauq/Lagan) Dilana Maqsood Hai, To Is Tarah Karguzari Sunana Sahih Hai.

■ Aur Yeh Dil Ka Maamla Hai, Isliye Kisi Ki Niyat Ke Peeche Nahi Padhna Chahiye, Haan! Khud Karguzari Sunane Wale Ko Apni Niyat Tatol Leni Chahiye. Fakt - Allah Ta'ala Sabse Zyada Janne Wale Hai.



© Copyright 2023 DARUL IFTA WAL IRSHAD
Development By : IBNE ASIF GRAPHICS & DIGITAL PARTNER